



Broj: 418/26

Dana, 23.06.2026. godine

Na osnovu člana 64. i člana 70. Zakona o javnim nabavkama BiH (Službeni glasnik BiH, br. 39/14, 59/22 i 50/24), a shodno Zapisniku o pregledu i ocjeni ponuda broj: 417/26 od 23.06.2026. godine donosim slijedeću:

O D L U K U **o izboru najpovoljnijeg ponuđača**

Član 1.

Prihvata se ponuda ponuđača „Prevoz putnika“ d.o.o. ZAVIDOVIĆI kao najpovoljnija prispjela prihvatljiva ponuda u iznosu **42.934,75 KM bez PDV-a** u postupku javne nabavke broj: 345/26–konkurenstski zahtjev za dostavu ponude za nabavku usluge prijevoza učenika za školsku 2026/2027. godinu za potrebe JU Osnovna škola „Vožuća-Ribnica“, Zavidovići, koji je objavljen na portalu Agencije za javne nabavke broj: 811-7-2-36-3-1/26 od 04.06.2026. godine, kao i u Službenom glasniku BiH.

Član 2.

U skladu sa provedenim postupkom ponuđaču iz tačke 1. ove Odluke biti će ponuđeno zaključivanje ugovora o nabavci.

Član 3.

Odluka stupa na snagu danom donošenja.

O b r a z l o ž e n j e

U postupku javne nabavke broj: 345/26 za nabavku usluge prijevoza učenika za školsku 2026/2027. godinu za potrebe JU Osnovna škola „Vožuća-Ribnica“, Zavidovići broj: 811-7-2-36-3-1/26 od 04.06.2026. godine, proveden je postupak prikupljanja, otvaranja i ocjene ponuda. Komisija za javnu nabavku je u Zapisniku o javnom otvaranju ponuda konstatovala da su pristigle dvije ponude za učešće u predmetnom postupku javne nabavke, i to od ponuđača:

Br. protokola ugovornog organa	Datum prijema ponude i vrijeme	Naziv Ponuđača	Koverta ispravno zatvorena (da/ne)	Cijena ponude (KM bez PDV) prije popusta	Popust	Ukupna cijena ponude (KM bez PDV-a) poslije popusta
389/26	16.06.2026. godine u 09:30 sati	„HM LINE“ d.o.o. ZAVIDOVIĆI	DA	42.875,00	NE	42.875,00
390/26	16.06.2026. godine u 09:40 sati	„PREVOZ PUTNIKA“ d.o.o. Zavidovići	DA	42.934,75	NE	42.934,75

Uvidom u pristiglu dokumentaciju ponuđača komisija za javnu nabavku konstatovala je sljedeće:

-Ponuda ponuđača „Prevoz putnika“ d.o.o. ZAVIDOVIĆI je prihvatljiva. Dostavljena ponuda je formalno-pravno ispravna, sačinjena u skladu sa tenderskom dokumentacijom i ispunjava sve zahtjeve Ugovornog organa u pogledu kvalifikovanosti ponuđača za učešće u predmetnom postupku javne nabavke.

- Ponuda ponuđača “HM LINE“ d.o.o. Zavidovići je neprihvatljiva. Dostavljena ponuda ne ispunjava minimalne uslove za kvalifikaciju u pogledu tehničke i profesionalne sposobnosti propisane tenderskom dokumentacijom.

Ugovorni organ je u tački 15.1. tenderske dokumentacije, a u skladu sa članom 48. ZJN BiH, postavio minimalni uslov tehničke i profesionalne sposobnosti koji glasi: '...uspješno iskustvo u realizaciji najmanje 1 (jednog) ugovora u ukupnoj vrijednosti iznosa ne manjoj od 40.000,00 KM bez PDV-a...', a u tački 15.2. definisano je da u svrhu dokazivanja ispunjavanja zahtjeva u pogledu tehničke i profesionalne sposobnosti dobavljač je dužan uz ponudu dostaviti Spisak izvršenih ugovora i Potvrdu o urednom izvršenju ugovora.

Uvidom u ponudu ponuđača “HM LINE“ d.o.o. Zavidovići je utvrđeno da je navedeni ponuđač dostavio Spisak izvršenih više pojedinačnih ugovora manjih vrijednosti i to u iznosu od 2.167,52 KM sa kupcem Mješovita srednja škola Zavidovići, u iznosu od 9.832,92 KM sa kupcem IOK Zavidovići (sa potvrdom), u iznosu od 8.202,16 KM sa kupcem Ženski nogometni klub Krivaja Zavidovići (sa potvrdom), u iznosu od 17.491,25 KM sa kupcem Kulturno bosansko društvo Zavidovići (sa potvrdom), u iznosu od 3.846,15 KM sa kupcem JU Dom zdravlja Zavidovići, u iznosu od 4.574,65 KM sa kupcem sindikat JU Dom zdravlja Zavidovići, u iznosu od 5.754,77 KM sa kupcem UG Centar za majke plamen Zavidovići (sa potvrdom), u iznosu od 2.025,64 KM sa kupcem Bošnjacka zajednica kulture Preporod, u iznosu od 7.057,26 KM sa kupcem Grad Zavidovići pokušavajući kumulativno (zbrajanjem) dokazati traženo iskustvo. S obzirom na to da tenderskom dokumentacijom nije bila predviđena niti dopuštena mogućnost zbrajanja više ugovora radi ispunjenja ovog uslova, već je izričito traženo uspješno iskustvo u realizaciji najmanje 1 (jednog) ugovora u ukupnoj vrijednosti iznosa ne manjoj od 40.000,00 KM bez PDV-a, ponuda ponuđača ne ispunjava minimalne uslove kvalifikacije. Shodno navedenom, a primjenom člana 68. stav (4) tačka i) ZJN BiH, ponuda se odbacuje kao neprihvatljiva.

Komisija je konstatovala da je tenderskom dokumentacijom bilo predviđeno provođenje e-aukcije, ali se ista nije provela jer se u slučaju prijema jedne prihvatljive ponude e-Aukcija ne zakazuje shodno Pravilniku o uslovima i načinu korištenje e aukcije. („Službeni glasnik BiH“ broj: 80/23).

U postupku je utvrđeno da je Komisija za nabavku blagovremeno i pravilno izvršila otvaranje, pregled i ocjenu pristiglih ponuda o čemu je sačinila odgovarajući zapisnik. U postupku ocjene provedenog postupka Direktor nije našao razloge, nepravilnost niti propuste u radu, koji bi bio eventualno osnov za neprihvatanje.

Iz navedenog razloga, odlučeno je kao u članu 1. ove Odluke.

Pouka o pravnom lijeku: Protiv ove Odluke može se uputiti žalba u roku od 5 (pet) dana od dana prijema ove Odluke. Žalba se izjavljuje Ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka.

Dostaviti:

1. Ponuđačima (2x),
2. Komisiji za JN.

